

十朝东华录

康熙朝第三函

函七册

康熙二十六年丁卯春正月戊子諭黑龍江將軍薩布素等自雅克薩城解圍以來聞軍士間有患疾者此皆屬滿洲精兵朕甚憫焉今特遣大醫院官二人齎藥前往治之至於羅利雖與我兵對壘但我兵攻雅克薩城從未嘗誅戮其人如城中有患疾之羅利亦應聽其就醫使還彼國傳布德意○丙申大學士等遵旨覆奏臣等詳問新輔開濬下河塞減水壩之處據云高郵州之南兩大減水壩自正月可塞至五月其三小減水壩自正月可塞至三月高郵州之北其壩亦有可塞之處惟高家堰之壩斷不可塞其應塞之處前與孫在豐會議時並未議出殊屬不合應將新輔交與該部議處 上曰開濬下河其要不在高郵州之壩惟在塞高家堰之壩今不塞高家堰之壩止塞高郵州之壩何益之有 上召問新輔九卿問爾之言與朕所問有不同處否新輔奏曰有一處不同大臣云爾若堵塞淮水入黃河之口合其流入七州縣則下河修理必致遲誤臣謂修理正河錢糧尙憂不足安得更有錢糧堵塞無用之口且黃水強則流入淮河淮水強則流入黃河並非人力所能禁止者臣若阻撓挑濬下河能逃國法乎湯斌奏曰今雲梯關與前不同若塞高家堰之壩則淮水盡入黃河黃水無倒入淮河之理從前河隄單弱不築減水壩則黃河必致潰決今隄既高堅若塞隄壩使水歸一路則沙不停壅河身漸深今新輔惟恐黃河潰決於南岸毛城鋪等處築減水壩令黃河之水入洪澤湖洪澤湖不能容又於高家堰築減水壩令入運河運河不能容又於高郵州等處築減水壩令入七州縣七州縣之水無所歸不但七州縣之民被災二三年間黃水淮水及三十六湖之水並皆停蓄泛濫則漕運亦甚可慮今 皇上令堵塞高家堰之壩修理下河不止七州縣之民漸安生理即漕運亦永受其益此臣據理而言似屬可行新輔奏曰挑濬下河使積水入海雖云善策然下河既濬恐海水倒灌可慮 上曰挑濬下河海水斷無倒灌之理今若將黃河南岸毛城鋪等處減水壩開塞則黃河之水不入洪澤湖洪澤湖止有淮水則高堰隄可以暫塞一年挑濬下河方能成功爾等會同九卿再詳議以聞○喀爾喀土謝圖汗察罕車臣汗訥爾布及七旗濟農台吉等台奏請上 尊號不許○大學士等遵旨覆奏開濬下河應塞減水壩 上問新輔曰黃河南岸毛城鋪一帶開壩可以開塞否新輔奏曰永塞不便可以暫塞一年 上曰開塞此等開壩水勢可減幾分新輔奏曰春夏可減十分之四秋冬止減二分臣仰體 皇上愛民之心故議開塞一年若黃河南壩永塞不惟淮水弱不能引入清河黃水發反灌入淮河上曰淮水原不弱或恐河南等處水少以致淮弱若將高家堰減水壩堵塞則淮水自不弱黃水豈能逆入耶新輔奏曰臣議將高家堰之古溝塘埂兩壩自正月閉塞至四月初一日開其餘四壩亦自正月閉塞至六月初一日開 上曰塞此六壩可無患否新輔奏曰五月以前猶可無患六月以後不可必矣 上曰欲開下河須塞上流若但塞高郵州之五壩不塞高家堰所謂不揣其本而齊其末於事何益新輔奏曰前孫在豐止議高郵州未嘗及高家堰故臣亦止云高郵州等壩宜開耳今 皇上所見最爲洞悉臣何敢欺隱高家堰之壩亦當如 聖諭閉塞也○辛丑諭工部下河工程今年著止將高郵州大小壩及高家堰開壩照新輔

等所奏定限堵塞令孫在豐等挑濬海口其黃河南岸開塢著於來年堵塞一年其高郵高家堰等開塢既限期堵塞著孫在豐速備工料人夫自今年十二月興工挑濬下河勿致違誤○癸卯以圖爾宸爲禮部右侍郎由陝西巡撫題○乙巳太子太傅禮部尚書武英殿大學士吳正治以老乞休允之

二月己酉朔以布雅努爲陝西巡撫由山西布政使題盧崇輿爲廣西按察使原任安徽按察使○庚戌刑部等衙門會審蔡毓榮隱藏逆女貪取

逆財種種不法上背國恩應仍擬斬立決得旨從寬免其處斬籍沒家產著枷號三箇月鞭一百並分家子發往黑龍江○辛亥調

伊桑阿爲禮部尚書由兵部調○壬子內閣學士郭榮祿事革職○癸丑上大閱於蘆溝橋○甲寅以余國柱爲武英殿大學士由戶部調

○乙卯上御經筵○以錢珏爲山東巡撫由順天府尹題○丙辰以盧琦爲內閣學士由少詹事題○革刑部尚書禧佛左侍郎噶爾圖左

侍郎敦多禮職以宗人府題參正黃旗少詹事覺羅僧參失盜一案審理失實故也○戊午調陳廷敬爲戶部尚書由工部調庚申命

八旗都統副都統更番值禁城五門○都察院議覆原任刑部尚書禧佛審察毓榮一案不秉公研訊律擬失當顯係徇庇禧佛已

經別案革職應柳號兩月鞭一百刑部尚書胡昇缺侍郎張鵬趙之鼎敦多禮不嚴加審訊俱係徇庇應各降二級調用敦多禮已

經別案革職應將佐領降二級調用得旨禧佛著部議完結後發往黑龍江披甲效力贖罪敦多禮亦著發往黑龍江胡昇缺補

授刑部以來並無效力處照議降二級調用張鵬茲任未久免罪趙之鼎從寬免調用著降二級留任○辛酉調佛倫爲刑部尚書

以阿蘭泰爲工部尚書由左都御史題葛思泰爲刑部左侍郎由內閣庶務爲刑部右侍郎○壬戌以鄂爾多爲兵部尚書由內閣庶務爲刑部右侍郎

○癸亥上幸南苑行圍○甲子九卿議覆給事中劉楷奏請禁淫詞小說上曰淫詞小說人所樂觀實能敗壞風俗蠱惑

人心朕見樂觀小說者多不成本材是不惟無益而且有害至於僧道邪教素悖禮法其惑世誣民尤甚愚入遇方術之士聞其虛誕

之言輒以爲有道教之如神殊堪嗤笑俱應嚴行禁止○丙寅贈永甯陳毅守備席豹官廕○丁卯上幸玉泉山○以張玉書爲

刑部尚書由原任王日藻爲工部尚書○以布喀爲山西布政使由陝西按察使題○戊辰以宋學爲山東按察使由直隸道員題

己巳內閣學士韓葵以病乞假允之○庚午以塞楞額爲內閣學士由甘肅布政使題覺羅舜拜爲左副都御史由大理寺卿題○王申戶部奏許

聖關監督桑額任內除徵收正額外溢銀二萬一千二百九十六兩零得旨設立權關原欲稽查奸宄照額徵收以通商賈桑額徵

收額課乃私封便民橋以致擾害商民著該衙門嚴加議處關差官員理應潔己奉公照例徵收嗣後有不肖官員希圖肥己種種

強勒額外橫徵致害商民亦未可定爾部通行嚴飭○癸酉以廖旦爲左都御史由盛京工部侍郎題張鵬爲戶部左侍郎管右侍郎事

三月庚辰以李振裕爲內閣學士由翰林院侍講題○禮部題請停天下歲貢生廷試其中有情願入監讀書者該學起文送部到監肄業

至於舉人就教者亦免廷試具呈吏部照次補用允之○辛巳調圖爾宸爲盛京工部侍郎由禮部右侍郎轉○轉趙之鼎爲刑部左侍郎以王

國安爲刑部右侍郎由福建總督選○以吳赫爲陝西按察使由中選○乙酉大學士等奏臣等遵旨傳諭九卿等集議應行應改事務諸臣

會云 皇上夙夜孜孜勤求治理政務俱已全備寰宇已極昇平並無應行應革事件前輔政大臣時各省皆有總督自 皇上親

政以來酌裁總督員缺惟設江南江西一總督廣東廣西一總督雲南貴州一總督湖南湖北一總督四川陝西一總督福建浙江

一總督後將浙江福建總督缺改爲福建總督然浙江福建皆係近海地方請仍改福建總督爲浙江福建總督似屬有益從之○

以顧八代爲禮部右侍郎由內閣學士選○調王新命爲浙江福建總督由江蘇江蘇總督選○已丑以董誥爲江南江西總督由安徽總督選○以噶通薩

爲甘肅布政使由中選○庚寅以覺羅舜拜爲內閣學士由吏部選○翰林院掌院學士李光地以母病請假歸省得旨李光地准其

歸省俟伊母病稍愈即來供職不必開缺○癸巳以王鴻緒爲左都御史由原任右都御史選○乙未以傅拉塔爲左副都御史由陝西布政使選○

以慕天顏爲漕運總督由貴州巡撫選○已亥以魯超爲河南按察使由南淮揚道選○辛丑諭大學士等與孫在豐同往修河諸員未嘗留心

河務惟事圖利孫在豐以漢人不能約束若輩原任淮揚道高成美乃罷職之人今猶不赴京必與往修河工諸員串通妄爲河工

事關緊要須與江南江西總督總漕總河會同商酌修理方克有成著交九卿議○癸卯九卿遵旨議覆 皇上軫念高寶七州百

姓久罹水患特遣大臣挑治下河甚盛心也今所差司官便已懷私不聽侍郎孫在豐調度請敕下江南總督巡撫及總漕總河公

同孫在豐整修庶無阻撓原任淮揚道高成美係降調之官乃淹留彼地行事不端實爲可惡應移文地方官勒令回京 上曰朕

特頒內帑濬治下河原爲救民起見今國計非拙設錢糧不敷何妨再請頒發聞差往各官初欲派之民間後又中止仍復按引派

加鹽課是未嘗救民先已害民豈不大負朕之初意乎此事斷不可行著停止通行曉諭差往各官著撤回餘依議○大學士等遵

旨議奏 皇上勵精圖治加惠黎元比年以來將各省錢糧屢行蠲免民皆得所至如刑罰 皇上念及人命所關惟於惟恤務期

平允故天下無冤抑之民國家政事豈有闕失今畿輔地方雖雨澤愆期而山東河南山西等處雨澤應時有年可望臣等再三酌

議見今政務實無可更改釐定者 上曰堯舜之世方可稱無關失然兢兢業業不敢謂已治已安漢文帝亦古之賢主賈誼猶指

陳得失直言切諫今但云主聖臣賢政事無關豈國家果無一事可言耶況求言原屬要事無論智愚皆當各陳己見以備採擇始

於政務有所裨益大小臣工宜各盡職業視國事如家事方副委任之意今每部滿漢堂官各有六員其間任事者但一二人餘則

墮落署名而已即如各部啟奏本章每日不過數件其中情節如漢高帝等未必了徹設朕問之諒有不能對者朕觀今世之人專

務逢迎諂媚鮮能直道而行且已不勤而每謂人爲情已無能而每嗾人爲劣此不過徒工浮議耳何益之有○以馬世濟爲貴州

巡撫由吏部選○丁未調熊一瀟爲吏部右侍郎由刑部禮部布爲陝西布政使中選

夏四月辛亥諭吏部國家用人才優者固足任事然秉委誠厚者亦於佐理有裨比部院中亦有一二才優之人所以未卽升擢者

因其有才又能循分故久任之朕聽政有年見人或自恃有才輒專恣行事者思之可畏朕意必才德兼優爲佳若止才優於德終

無補於治理耳○癸丑 上幸玉泉山○乙卯諭大學士等設官分職原以為民所在得一良吏則民遂其生今觀各官雖有品行

清潔者但畏國法而然如直隸巡撫于成龍之員實清廉者甚少觀其為人天性忠直並無交游惟知愛民即伊本旗王等門上亦

不行走直隸地方百姓旗人無不感戴稱頌如此好官若不從優獎獎何以勸眾可令九卿集議于成龍前因九卿推薦朕始擢用

若再有如此好官不拘大小亦令九卿保舉來奏○以趙士麟為兵部督捕右侍郎出缺○諭工部四川桐木多產於崇山懸巖

採取甚難必致有累土司且來京甚遠沿途地方亦恐滋擾著傳諭四川巡撫免其解送○丙辰大學士等奏九卿遵旨會議直隸

巡撫于成龍實心任事並無勉強虛假之處應賜獎勵以勵官方其優加宮保之處出自特恩至督撫各官內如雲南貴州總督范

承勳山西巡撫馬齊四川巡撫姚綽慶居官皆優 上曰范承勳等居官果善但伊等尚有勉強之意于成龍則出自誠心毫無瞻

顧今人不往來大臣之家則恐其意有不悅如于成龍介然自守無所交游為大臣者其素于成龍何著加太子少保銜以為廉能

稱職者勸○丁巳以蔣寅為貴州布政使田雲南按察使○己未諭大學士等爾等纂修明史曾參看前明實錄否史事所關甚重若不

參看實錄虛實何由悉知他書或以文章見長獨修史宜直書實事豈可空言文飾乎如明代纂修元史限期過迫以致妄務多漏

且議論殊乖公正俟明史修成之日應將實錄並存今後世有所考據從來論人甚易自處則難若不審己之所行而徒輕議古人

雖文詞可觀亦何足道朕嘗博覽羣書於古之聖君哲后未敢漫加評議也○予故漕運總督徐旭齡祭葬又加祭一次諡清獻○

壬戌命大學士勒德洪等同三法司清理刑獄○甲子以田雯為江蘇巡撫由江蘇按察使○庚午諭刑部

等衙門凡各省解送京城及京師解發各省人犯有解役中途陵虐及教唆犯人於沿途搶奪者甚至有將犯人拷打致死者其所

犯之罪不至於死而陵弱拷打以致斃命殊為可惡爾部會同督捕衙門定議條例以聞尋議覆凡解部及遞解外省各項犯人還

恩詔計程給與口糧嗣後凡鐵差官役遣有家產正役押發沿途官員詳查有無解役勒拷打之處如或有之地方官即將解役

懲治若拷打致死地方官申報督撫嚴審從重治罪如有解役唆教人犯通同搶奪者以光棍例治之其中途患病者原解即報

地方官驗明出結如未取患病印結途中死者以死者之多寡名數分別治罪永著為例從之○辛未裁雲南復設左右二衛及平

彝楊林等衛都司一守備八千總九經廳七教援一○壬申以許宏勳為雲南按察使由雲南按察使○癸酉諭大學士等聽政之時利道

侍班言官自恐失儀心切畏懼以致條奏皆甚少凡啟奏官員果有失儀朕自降旨或其人自為檢舉科道侍班罷之誠是且科道

官多起自疏遠進退周旋未經嫺習朕欲以其建言為要務雖有小過朕亦不計也其官旨於九卿詹事科道此後科道侍班其已

之○乙亥宗人府奏平郡王納爾都打死無罪人羅米又折楊之桂菩薩保二人手足應革王爵監禁得旨納爾都著革去王爵免

其監禁○准福建臺灣府鄉試另編字號額中一名從陸路提督張雲翼請也

五月己卯以鄭端為湖南按察使由湖南按察使○庚辰詔曰朕統御天下念切民生夙夜圖治罔敢少懈邇來歲每不登民食寡乏今

茲仲夏久旱多風陰陽不調災孰大焉朕用是靡甯減膳撤樂求吉省過齋居默禱雖雨澤溥降尚未霑足皆因朕之涼德不能上

格天心茲特沛寬仁務崇惇大罷營建恤貧窮釋淹繫政令有不便於民者更之罪非常赦所不原者咸赦除之○轉丹岱爲兵部

左侍郎調拉薦祐爲兵部右侍郎以吳拉岱爲理藩院右侍郎

侍讀學士高士奇德格勒侍講學士孟亮接侍講徐元夢論德徐朝中允徐嘉炎編修熊賜瓚勵杜訥等至 乾清宮內考試 上

閱諸臣試卷畢諭曰朕政事之暇惟好讀書始與熊賜瓚講論經史有疑必問樂此不疲繼而張英陳廷敬等以次進講大有裨益

朕從來不輕評論古人即如明史一書朕亦不遽加論斷然評論古人猶易若評論時人更難如德格勒每評論時人學問朕心以

爲不然故召爾等面試妍媸優劣今已判然總之人之學問原有一定分量眞僞易明若徒肆議論則不自量矣○辛卯停本年秋

決○壬辰建周公廟碑 上親製文 御書勒石文曰世運代嬗隔越千載則必有神哲挺生其間以承大統以作名世惟公體上

聖之質紹祖考之德孝友篤仁左右甯王厥勳爛矣及乎負展能以勤勞寅恭惇大忠信之道翼贊其君太和洽而頌聲作焉夫功

莫大於致治綏邦業莫隆於制禮作樂公身兼數器開物成務其龍鴻炳燦之烈既已載於詩書志諸史冊至於繫文辭定官禮撰

爾雅出言爲經又何博奧難窮也昔孟子論列古帝王至於公曰兼三王施四事而韓愈亦歷數堯舜禹湯文武以至公蓋道統之

傳如此豈僅以治理之彰彰者與遙想風徽官公遺嗣俾昭世澤於無窮既命有司新公廟貌希慕之餘勒石頌德而繫之以詩詩

曰遠古民模混混茫茫列聖經綸肇軒迄商敘厥倫紀責以采章公監二代撥時立制有因有除禮明樂備體國經野成理萬彙集

武之勳紹文以孝代成誠民並孔立教爲子爲臣是則是徽宗邦綿歷忠厚所貽貞珉載鐫作頌致思曷繆同峙億禩爲期○建孔

子廟碑 上親製文 御書勒石文曰朕惟道原於天宏之者聖自庖犧氏觀圖書象闢乾坤之秘堯舜理析危微厥中允執厥

受其傳與湯文武周公遞承其統靡不奉若天道建極綏綏允乎尚矣孔子生周之季韋布以老非若伏羲堯舜之聖焉而帝禹湯

文武之聖焉而王周公之聖焉而相也雖然以師道作則與及門賢哲紹明絕業教思所及陶成萬世伏羲堯舜禹湯文武周公之

統惟孔子繼續而光大之矣閒嘗誦習詩書之所刪述大易之所演繫春秋之所筆削禮樂之所修明本末一貫根柢萬有殆與覆

載合其德日月並其明四時寒暑協其序焉故曰仲尼之道一天道也朕教法至聖慕仰宮牆嚮往之誠弗釋寤寐歲甲子十有一

月時邁東魯躬詣曲阜展修祀事復謁聖墓循撫松栢儀型在望優予至德之親人也朕忝作君啟牖下民深惟夫子師道所建百

王治理備焉舍是而圖到隆焉所依據哉因勒文於石彰彰尊崇聖教以承天治民之意系以辭曰選哉三五維辟之式於皇尼山

師道允植天畀木鐸覺彼羣生百行以正六籍以明賢邁唐虞聖則河洛綴和動來文博禮約鳳衰雖歎麟德感祥學昌洙泗統歸

素王炎漢崇儒少牢用饗厥後賢君高山是仰予懷至聖拉彼東方言微云邈道德彌光鬱鬱堦林表表祠殿企慕安窮莫瞻如見

泰岱匪高東海匪深敬揚懿軌終古是欽○建孟子廟碑 上親製文 御書勒石文曰自王迹熄於春秋聖人之道或幾於泯滅

卒之晦而復明歷千百世而不蔽者恃有孔子也孔子沒百有餘年浸假及於戰國楊墨塞路禍尤烈於曩時子與氏起而闢之於是天下之人始知誦法孔子率由仁義斯道之有傳至於今賴之是以後世學者如韓愈蘇軾之徒咸推其功以配大禹而閩洛之儒咸遵爲正學之宗傳於戲盛矣夫洪水之禍止於人身已爾楊墨之禍隱然直中於人心不有孟子使楊墨蓋鴟於前釋老推波於後後之人雖欲從千載之下探尼山之遺緒其孰從而求之因推述厥義刻文於石俾揭於鄒之廟其詩曰尼聖既往實矣言微後百餘歲聖緒浸微尙異實繁楊墨競煽陷溺之禍酷於昏墊惟子與氏距彼放淫以承先聖以正人心迹舜稱堯私淑孔子正學修明百世以俟不有是者斯道孰傳字宙晦竊萬物狂僨我讀其書曰仁曰義遺澤未湮聞風可企嶽嶽亞聖巖巖泰山功邁禹稷德參孔顏刻石茲文於祠之下誦烈揚休用告來者○以多奇爲內閣學士由翰林院侍讀學士遷○癸巳以貝子納爾圖襲平郡王寵賞襲順承郡王○刑部左侍郎趙之鼎以疾請假回籍允之○丁酉 上素服詣 天壇祈雨出入西大門皆步行是夜雨○辛丑左副都御史徐元琪奏祀典所載致祭北海尙沿宋明舊制於河南懷慶府係在京之南於義未合況北嶽已改祀渾源州則北海應請改祀於混同江庶方位允協下部議行○命宋儒張載後裔世襲五經博士○癸卯轉王國安爲刑部左侍郎以薛柱斗爲刑部右侍郎由安徽巡撫遷○甲辰免湖南去年額賦並今年明年額賦之半○是月免直隸豐潤縣水災額賦十之二

六月辛亥以楊素韞爲安徽巡撫由順天府尹遷○庚申改貴州大定府爲大定州○戊辰吏部議准雲南貴州總督范承勳奏貴州所屬十五衛十所請分晰裁改偏橋衛裁併施秉縣興隆衛裁併黃平州移州治於衛治新添衛裁併貴定縣移縣治於衛治貴筑貴前二衛裁去改設貴筑縣鎮西威清二衛赫聲威武二所裁去改設清鎮縣平壩衛桑遠所裁去改設安平縣安南衛裁去改設安南縣定南所裁併普定縣普安衛裁併普安州安籠所裁併安籠縣數勇衛修文濯靈惠隆千裏四所裁去改設修文縣永甯衛普市所裁去改設永甯縣節赤水二衛裁去改設畢節縣烏撒衛裁併威寧府從之○乙亥轉徐乾學爲禮部左侍郎調張英爲禮部右侍郎由兵部右調

康熙東華錄四十

秋七月癸未以成其範爲兵部右侍郎由太常寺卿遷○贈故太醫院院使加通政使銜馬之俊爲禮部侍郎予祭葬○戊子先是喀爾喀土謝圖汗奉 上諭偵探鄂羅斯分界使臣消息至是奏鄂羅斯遣使請和已抵臣境 上命薩布素等統率官兵乘天時未寒還至黑龍江墨爾根修整器械休息馬匹以度隆冬仍於要地嚴設斥堠並以鄂羅斯遣使請和撤還大兵之故曉諭雅克薩城內羅刹知之○辛卯刑部奏浙江民張遴叩關請發與該撫審理 上諭大學士等此案若交與該撫審理豈肯將實情明白審出著刑部擇賢能司官往審近見奉差審事司官多不明晰此皆瞻徇各部院堂官不敢結怨耳大凡督撫無不與部院堂官營求結納分樹門戶若司官與督撫相悖卽結怨於堂官尙能保其職乎部院堂官名援引親戚朋黨營求凡員缺未出之先其人豫定及會推

時惟贊揚援引而從公推擬者甚少又有爲司官筆帖式時所行貪婪至於大位爲稱清廉者若此居心深可鄙恥今部院官員亦稍知更改若循此而行固善儻仍蹈前轍貪汙不悛是棄其身也雖或倣倖苟免於刑鬼神豈肯有耶○壬辰子故太子太傅文華殿大學士宋德宜祭葬諡文恪○甲午諭大學士等馬哈達補授都統以來凡咨補官員皆有情弊著將都統並所得世職俱行革去發往黑龍江效力○乙未轉沙賴爲工部左侍郎以傳拉塔爲工部右侍郎由吏部○丙申以阿山爲左副都御史由通政使司○庚子祭八旗喪葬宴會諭制者○壬寅 上幸南苑行圍是日同宮○丙午以黨變爲甘肅按察使由中書○大學士等奏戶部請裁公費 上曰目下國計充裕所爭不在於此况貪官需此以資生者甚多豈可盡裁著仍照行例行

八月丁未朔禮部以順天鄉試同考官開列知縣等請旨 上曰同考用十六員此奏內進士知縣止有十人若應試之人豫擬此十人必爲試官有所鑲營則作弊更易著將員外主事以下小京官及知縣守部進士一併開列著爲令○命武臣副將以上官員丁憂參將以下官員在任守制從山西巡撫馬齊請也○戊申 上御經筵○己酉 上巡幸塞外啟鑾○癸丑 上駐蹕博洛和屯行

○甲戌 上還次博洛和屯賜喀喇沁翁牛特王台吉等銀幣有差○乙亥 上駐蹕宜孫畢喇行圍○是月免山西沁州地震○以翁叔九月己卯 上還宮○壬午以李之芳爲文華殿大學士由吏部○甲申調科爾坤爲吏部尚書由戶部○丁亥京師地震○以翁叔元爲閣學士由少詹事○戊子調陳廷敬爲吏部尚書由戶部○調佛倫爲戶部尚書以慶旦爲刑部尚書葛思泰爲左都御史轉席珠

爲刑部左侍郎以塞楞爲刑部右侍郎由內閣○乙未大學士等查江南七府陝西全省應免錢糧共計六百萬兩有零亘古以來未有蠲免如此之多者臣等因爲數太多不敢遽議 上曰朕念切民生即多蠲亦所不惜爾等擬諭旨來奏○丙申調王日藻爲戶部尚書湯斌爲工部尚書由禮部○以徐乾學爲左都御史由禮部○庚子喀爾喀土謝圖汗戴青墨爾根台吉遣使奏言喀爾

丹書至我等會遣使致覆本意終不釋然且喀爾喀之在厄魯特處者及厄魯特之向與喀爾喀通好者俱言噶爾丹分南北兩路來攻喀爾喀右翼人等除扎薩克圖汗及得克得黑戴青台吉之外餘俱言噶爾丹興兵是實我界上人等驚惶屢促出兵赴彼應敵是以率兵起行再去年盟誓時扎薩克圖汗之情形非特尙書阿喇尼見之他人亦盡知之彼見今與厄魯特杜噶爾阿喇布坦

台吉一處遊牧視其情狀恐屬窺伺爲此馳奏得旨著議政王大臣會議安親王素諾蒙古事宜亦令與該等議覆厄魯特喀爾喀俱係本朝職貢之國應遣敕令其罷兵同歸於好仍敕達賴喇嘛令其遣使諭令罷兵從之賜噶爾丹敕曰據喀爾喀土謝圖汗奏稱厄魯特內向遊牧兩路來攻我界上人等屢請赴彼故出兵迎之等語朕統御宇內無分中外爾厄魯特喀爾喀兩部落若果互

相殘害朕心大不忍焉會於康熙十六年檄諭爾等務期共相和好且爾噶爾丹博碩克圖汗累世恭順職貢有年如果舉事無不奏聞於朕者因道路遠還眞僞難明朕向未之深信或不逞之徒兩地構煽亦未可定爾兩部落若果與兵必有一方至於敗亡不但重負朕向來一視同仁之至意羣黎之死亡離散朕心深爲憫惻敕書到日卽爲息爭修好則爾恭順之心朕實嘉之已敕諭土

謝圖汗令其罷兵矣特諭又賜土謝圖汗及達賴喇嘛敕略同○甲辰轉張英為禮部左侍郎以王鳳昌為禮部右侍郎由原任
乙巳以凱音布為內閣學士使通政○是月免山東博興水災賦

冬十月戊申以王邊訓為左副都御史由太常寺卿遷○己酉 上幸南苑行圍○特准順天鄉試浙江錢塘縣監生查嗣韓福建侯官縣貢生林文英五經中式○癸丑 上巡幸畿甸啟鑾○丁巳以宋犖為江南布政使由山東按察使遷○裁京通巡倉御史○己未賜植蘇

巡撫于成龍 上乘黃鞍馬一匹銀一千兩○庚申湖南巡撫張汧奏參上荆南道祖澤深勒詐婪贓十二款枝江縣知縣趙嘉星私派殃民五款通山縣知縣邢士麟才短誤公請分別革職究擬得旨這所參著刑部右侍郎塞楞額前往察審○壬戌諭大學士

王熙等鄉試為掄才大典出題理宜詳慎今年鄉試主考朕未盡知於開列中酌量分遣今覽各省所進題名錄其題目多有未當如福建三場策問臺灣事宜一道於地方情形勢毫未通曉乃茫昧命題殊為悖謬其餘各省亦未盡當爾等將各省呈覽題目

及題名錄詳加檢閱若有悖謬最甚者察出參奏於是察看福建雲南河南三省第三場策問命題詞義多有未當均屬悖謬部議主考王連瑛等分別降級調用從之○大學士等奏前總河靳輔奏稱高家堰之外再築重堤請停丁溪等處工程奉旨著問巡撫

于成龍今于成龍覆稱挑下河有益於民若照靳輔之奏修理則民反受其害 上曰挑濬此河原欲有益七州縣生民靳輔奏稱高家堰等處築堤以為屯田可獲百餘萬錢糧朕從利益民生起見非為錢糧也此挑河開鑿緊要著戶部尚書佛倫吏部侍郎熊

一瀾給事中達奇納趙吉士會同江南總督總漕確勘議奏○子故原任刑部尚書魏象樞祭葬諡敏果○甲子 上還京師○諭大學士等今當軍政之年聞直隸各省提鎮欽取兵丁餽送該部此皆勒索於軍民者也其弊亦宜永行禁止可傳諭兵部○以熊一瀾為工部尚書由吏部右

冊不遵定規欽取兵丁餽送該部此皆勒索於軍民者也其弊亦宜永行禁止可傳諭兵部○以熊一瀾為工部尚書由吏部右以王樸為山東按察使原任雲南按察使○戊辰諭大學士等侍郎拉魯祜宜以武職用著解任遇有副都統員缺即行補用左副都御史

舒淑皆庸亦著解任交與該王為護衛○庚午調張鵬為吏部左侍郎管右侍郎事由戶部左侍郎○辛未諭大學士等凡人之行莫先於孝近者漢軍居父母之喪親朋聚會演劇飲酒呼盧闖牌儼如筵宴毫無居喪之禮至孝服鞍轡等類所用素帛皆異常華美喪禮止

當服用粗惡豈宜華美耶居喪演劇滿洲所無漢人亦未有特漢軍為然耳百行以孝為大如此所行為孝道其他又何足觀也又漢軍外官赴任每借京債整飾行裝務極奇麗且多攜僕從致債主抵任索通復謀贖僕從衣食勢必苛斂於民以資用度且親

朋儕主疊往往所請託需索不可數計是官雖一人實數人為之以致股削小民民何以堪又漢軍外官不能騎射乃自稱行獵多帶鷹犬借宿村莊滋害於民禽獸本在山野豈在村耶又漢軍服用多僭越非分終日羣居以馬弔飲酒為樂此等物力從何而出

有非苛取諸民者乎漢軍習尚之惡已至於極如原任總兵諾敏過原任提督哈喇庫祖永烈等於任所多買良民帶歸原任總督張蒼庚原任巡撫張德地羅世琦等皆貪婪虐民居官甚劣今著漢軍都統副都統等凡有居喪演劇飲酒呼盧闖牌者照賭博例嚴

行禁止在外漢軍官員任所有親朋債主前往請託需索貽累小民者亦令查訪指名題參朕此諭旨總為敦厚風俗陶淑人心而

起使漢軍居官者皆知總督范承勳巡撫干成龍之善朕又何諭之有此旨分徐廷璽傳諭○壬申以禪布為兵部右侍郎由內閣

開音布為左副都御史由光祿寺卿遷○都察院奏商人楊國清等捐送柁木日久未收應將工部堂司官降調上曰阿蘭泰傳拉塔在

任未久傳拉塔居外任頗優俱免調用降級留任沙賴欽酒呼盧陳一炳曠職無能俱著革去侍郎餘依議○乙亥以王遵訓為工

部右侍郎由左副都御史遷

十一月戊寅轉孫在豐為工部左侍郎以徐廷璽為工部右侍郎由內閣學士遷○己卯轉傳拉塔為工部左侍郎以伊爾根圖為工部右

侍郎○以趙山為內閣學士由翰林院侍講學士遷○庚辰以徐詒武為左副都御史由順天府府尹遷○壬午吏部議覆左都御史王

東巡撫李士楨貪污不法年老昏愴各款除事在數前及款無確據者無庸議外李士楨年六十九歲為慣是實應照年老例休致

從之○癸未以石文柱為內閣學士由內閣侍講學士遷○子故工部尚書湯斌祭葬○乙未諭大學士等近見支用修造等項奏銷錢糧時

該部不准駁回者甚多此等奏銷屢行駁回官員未必捐贖補給亦止派取民間耳如此則百姓愈苦向因需用孔亟故奏銷者未

即准行今公帑並非匱乏時奏銷案件不必駁回即應完結此等事不行駁回在官屬既可省案牘而於百姓尤大有裨益也可傳

諭九卿詹事科道○諭凡參劾貪官其受賄作弊之處因未曾親覩無所憑據畏縮而不行參劾者甚多今間有彈章亦止據風聞

參劾耳覺有身與之通同受賄作弊而顯肯參劾之耶向者原有風聞糾彈之例輔政大臣停止今再行此例貪官似有微懼若有

挾讐參劾者審明果係挾讐自有反坐之典在可傳諭九卿詹事科道○丙申 太皇太后聖體違和 上在 慈寧宮侍疾親覽

勅諭晝夜不離左右傳諭內閣非緊要事勿得奏聞○丁酉以朱宏弼為廣東巡撫由道員遷○辛丑免江蘇陝西明年額賦今年未

徵者並除之○壬寅諭刑部朕侍奉 太皇太后朝夕承歡祇遵 慈訓竭誠奉養今者 聖躬偶爾違豫朕夙夜滋懼寢食靡甯

仰冀 上天眷顧俯垂默佑惟思好生以迓 天庥寬大以延遐壽所有內外問刑衙門見監重辟人犯除十惡死罪及貪官光棍

不赦外其餘已經奉旨監候死罪重犯概行減等發落以昭朕所 天永佑至意○癸卯吏部議覆左都御史徐乾學奏參江西巡

撫安世鼎才守俱劣久尸厥位應照不謹例革職得旨安世鼎著革職布政使張所志係安世鼎同城之官巡撫糾派營私必與布

政使通同作弊布政使果能清正巡撫豈能獨自妄行張所志素行不謹有玷官方亦照不謹例革職○甲辰諭大學士等自 太

皇太后聖體違和以來多方醫治罔克奏效病勢漸增甚為可慮朕夙夜憂懼茲欲躬詣 郊壇虔行禱祀保佑 太皇太后慈躬

和豫永獲康甯可將朕意傳示九卿九卿等奏曰 皇上至孝超越萬古 太皇太后違和 皇上朝夕在 慈寧宮席地奉侍親

調藥餌寢食俱廢 聖孝之誠必當感格 穹蒼臣等愚見似不必詣 壇致祭 天心自為默佑大學士等轉奏畢復諭曰自 太皇太后違和以來朕在宮中無日不虔潔精誠默行祈禱乃 太皇太后聖體大漸似無一分可以冀望矣如稍有可望之機亦

不敢起躬禱 天壇之念今竟毫無冀望何計可施惟有竭抒誠悃叩祈 上天之眷佑耳並非沽取虛名使事務飾為也皇皇

上天其可欺乎將此諭旨向諸臣傳示之○禮部奏請擇齋戒告祭日期 上傳諭諸臣曰朕在宮中每日齋戒可即於明早步行

恭祭祈禱○禮部左侍郎額星格理藩院左侍郎巴克珍等事職○是月免江西萬載等七縣旱災額賦有差

十二月乙巳朔 上率諸王貝勒貝子公及文武官員等步詣 天壇致祭 上親撰祝文曰嗣天子臣致昭告於 皇天上帝曰

臣仰承 天佑奉事 祖母太皇太后高年荷庇藉得安康今者疹患驟作一句以內漸覺沈篤旦夕可慮臣夙夜靡甯寢食捐廢

度治藥餌備問方醫罔克奏效五內憂灼莫知所措竊思 天心仁愛覆幬無方矧臣眇躬夙蒙 慈養憶自弱齡早失怙恃趨承

祖母膝下三十餘年鞠養教誨以至有成設無 祖母太皇太后斷不能致有今日成立周極之恩畢生難報值茲危殆方寸憤

迷用敢潔蠲擇日謹率羣臣呼籲 皇穹伏懇 惓念篤誠立垂昭鑒俾沈痾迅起還算長延若大數或窮願減臣齡冀增 太皇

太后數年之壽為此匍伏 壇下仰祈 洪佑不勝懇禱之至謹祝版時 上涕淚交頤陪祀諸王大臣等無不感泣祭畢 上即

詣 慈寧宮侍疾○己酉以王業興為江西布政使由四川按察使遷○壬子以席爾達為禮部左侍郎由太常寺卿遷多奇為禮部右侍郎由內閣學士遷

○甲寅內閣及各部院衙門官員具奏公請 皇上少節憂勞 上曰朕自 太皇太后違豫以來心懷憂慮日侍左右檢方調

藥親視飲膳 太皇太后甯憇之時朕隔幔靜候席地危坐一聞 太皇太后聲息即趨至榻前凡有所需手奉以進因此晝夜不

能少離 太皇太后屢有慈旨命朕回宮少宜自愛朕念幼蒙 太皇太后撫養教訓三十餘年罔極深恩難以報答今見病體依

然五內焦灼莫知所措朕躬寢處何暇顧計覽奏具見大小臣工憂君誠悃但當此時不竭盡心力少抒仰報之忱異日雖欲依戀

慈闈豈易得耶所奏已知之○以拜禮為內閣學士由內閣侍讀學士遷○丙辰諸王貝勒貝子公內大臣大學士尚書侍郎侍衛等詣

慈寧宮門跪奏請 皇上問一同宮稍為休息得旨 太皇太后病勢漸覺沈篤朕心憂灼片刻難離朕即回宮心亦不安所奏已

知之○丁巳以興永朝為四川按察使由廣西按察使遷○戊午以王騰為江西巡撫由太常寺卿遷○乙丑以額爾爾圖為理藩院左侍郎由內閣學士遷

○御史陳紫芝奏參湖廣巡撫張沂蒞任未久贖貨多端凡所屬地方鹽引錢局船埠等無不搜括甚至漢口市肆招牌亦按

數派錢當日保舉之人必有賄屬情弊請一併敕部議處得旨張沂著革職所參各款著直隸巡撫于成龍山西巡撫馬齊左副都

御史開音布馳驛前往提拏究擬具奏○奉差湖廣審事刑部右侍郎色楞額奏湖廣巡撫張沂所參上荆南道祖澤深婪贓款內

得枉法贓金七兩銀四十兩是實枝江縣知縣趙嘉星私派款內得銀四百二十兩是實祖澤深趙嘉星俱應革職擬絞監候秋後

處決其通山縣知縣邢士麟到任一月並無才短誤公之處應毋庸議巡撫張沂將邢士麟誤參應降一級調用原揭布政使胡戴

仁按察使丁燦等各降二級調用得旨所審未當著于成龍等嚴加究擬具奏色楞額著嚴加察議○諭大學士等科道職任糾參

奏請修築高家堰重隄束洪澤湖水盡出清口並黃河兩岸立關分洩黃水而撫臣于成龍又奏下河宜扼不宜停電隄宜停不宜築彼此意見不合臣等會勘上下河道知高郵等七州縣水患皆因洪澤湖水從減水壩東注高郵實應邵伯三湖流入漕河又從高郵城東隄減水壩流入下河以致七州縣民田被水淹沒故治下河必先塞上流使上流之水不得東注下河則保守高家堰水出清口自爲第一要著臣等聞說高家堰地勢應如河臣原議史家店以南石隄以東築一月隄使六壩所減之水由重隄以內流出清口自不致衝突地隄但洪澤湖之水流入漕河漕隄關緊要宜行減洩應將淮安以北五又河開開濬引水由草灣入海至淮安寶應潤河等處亦應開濬引水由射陽湖連廟灣入海其高郵城東隄五座減水壩係下河水患之源今淮安府南北既經開濬此處俱應堵塞黃河兩岸仲家莊草灣等處建石關三座分洩黃水入海仍照原議外惟安東縣五里墩建開濬水由鹽河入海恐開濬之水逼近安東實屬危險應將石關移建城東再看得下河形勢見在流通今既堵塞上流盡注清口則下河水勢自然漸減應將白駒丁溪草堰三口各工盡行停止其修築月隄並潤河等處開濬建關所需錢糧應令河臣確估題請得旨九卿詹事科道會議具奏○己巳子時 太皇太后崩於慈寧宮遺詔曰予以薄德幼承 太祖高皇帝登聘獲奉 太宗文皇帝贊助內政越

既有年不幸

龍馭上賓痛不欲生誓以身殉諸王大臣以世祖皇帝方在冲齡繼承大統保護靡託合辭堅請勉留此身撫育教

訓未嘗少懈十有九年重遭不造世祖皇帝崩逝悲悼子懷益無意人世告

天籲眾冀申初志諸王大臣復以今皇帝冲齡踐阼

正須鞠育懇請再四子願此藐孤難忍捐棄勉抑哀衷相依歲月今皇帝至孝性成誠切肫懇視膳問安朝夕罔間備物盡志無所不周慶薦微稱尊崇斯極終始惟一幾三十年子因茲敬養遂使兩世哀感之懷大爲寬釋且 皇太后奉事勤恪子心甚安但念世際昇平皇帝純孝亘古所無子正可誕膺福祉奈年齒逾邁時用自傷頃當寢疾皇帝躬省藥餌寢食損廢步趨 郊壇竭誠呼籲乃數盡難挽遽至彌留子壽七十有五得復奉 太宗文皇帝左右愜子夙心夫亦何憾今皇帝廟精圖治愛育蒼生海宇又安兆姓樂業天下臣民頌太平之祚者功歸啟佑子歿有榮施焉惟是皇帝大孝性成超越今古恐過於悲痛宜勉自節哀以萬幾爲重中外文武羣臣恪恭奉職勿負委任以共承無疆之福其喪制悉遵典禮成服後三日皇帝即行聽政其持服依世祖皇帝遺詔以日易月二十七日而除 天地 宗廟 社稷之祭不可以藐躬之故致稽大典及百神祀事照常無停故茲詔諭其各遵行上梓踊哀號呼天搶地哭無停聲 皇太后 上暨 皇妃 皇子俱成服親王以下文武大小官員外藩王以下及古吉等王妃公主以下八旗二品以上官員命婦俱齊集成服嗣是每日哭臨二次凡二十七日○諭諸王貝勒貝子公內大臣大學士九卿詹事科道等自漢以後帝王居喪持服以二十七月易爲二十七日惟魏孝文帝欲行三年之喪朕平日讀史至此常稱贊之今非欲遵古賢君祇念朕八歲 世祖皇帝賓天十一歲 慈和皇太后崩逝全賴 聖祖母太皇太后鞠養教誨以至成立遽遭大故竊增痛傷哀疚靡盡今定持服二十七月少慰罔極之痛朕獨持於宮中幾政毫無曠廢不令臣民持服一切俱不禁止如此可以遂

朕本懷諸王大臣各官其集議之諸王大臣等奏曰 皇上至德純孝自古無倫但帝王之孝與臣民不同願 皇上仰遵 遺誥博稽古制上思 天地 祖宗付畀之重下慰羣臣百姓仰賴之忱以禮節宣易月之典守而勿更得旨朕事 太皇太后三十餘

年竭盡衷誠無稍違拂近者 聖體違豫三十餘日衣不解帶必誠必敬朕之此志期在必遂否則貴為天子富有四海亦奚以為

諸王大臣等聞諭皆感悚嗚咽又奏曰 皇上二身為 宗廟 社稷所寄託每當祭祀伏見 鑾輿親詣竭誠盡敬夫祭為吉禮

必除服後舉行 皇上以 太皇太后之故若使 郊 廟神靈少有弗歆即 太皇太后在天之靈亦必不安且君臣兆姓本屬

一體若 皇上持服宮中聽臣民即吉甚非一體之義况 皇上奉事 慈甯三十餘年晨昏侍養罔不承順意旨今於 慈闈遺

命若不曲遵恐有虛 太皇太后倦憊之意臣等不揣愚見敢以固請得旨朕意已定不必更奏○禮部奏本朝后喪例不割辨又

奉 皇太后傳諭 太皇太后不豫時曾向予云我病若不起皇帝斷勿割辨應謹遵行得旨 太皇太后教育恩深朕自盡其心

仍行割辨 上遂割辨 諭禮部朕孝服用布舊制國有大喪自宗室公以上服素帛今孝服俱改用布○庚午 上在 大行太

皇太后梓宮前晝夜號痛不止水漿不入口 天顏瘳瘳以致憤迷諸貝勒貝子公等及外藩王貝勒貝子公等皆跪奏伏望 皇

上少自節哀保護 聖躬得旨 親在則竭心力以盡孝履則恩報教育之恩終身不忘為子孫者誼所當然 太皇太后高厚之

恩可一刻忘乎諭畢復慟不已○禮部奏欽天監選擇十二月二十九日癸酉卯時 大行太皇太后梓宮發引得旨 太皇太后

梓宮速行發引朕心不忍意欲久留 慈甯宮內爾諸臣議奏諸臣奏曰素無久留 寢宮之例應於二十九日發引得旨既如此

朕意欲停喪三七另行選期諸臣奏曰我朝向日所行年內喪事不令踰年仍應於二十九日發引得旨爾等念朕躬勞苦朕豈不

自知但二十九日發引為期太近兩皇后梓宮尚遲至多日若以 太皇太后梓宮拘舊例謂踰年不便速行發引於大義不合舊

例有可從者有不可從者朕意在正月十七十八日方可發引著另行選期具奏諸王大臣等又公同會議奏曰本朝向行之例踰

年為忌似宜仍請於二十九日發引得旨爾等所云忌諱止為朕躬朕殊不避忌朕前禱 天壇尚欲減朕年以增 太皇太后之

壽豈以 梓宮踰年發引乃有避忌乎如有所忌朕躬當之否則忌諱之說虛誕不足信亦可以破後人之疑使皆以朕為法 太

皇太后梓宮可擇正月十一日發引○辛未 上在 大行太皇太后梓宮前晝夜號慟不止水漿不入口如前內閣翰林院九卿

詹事科道等齊集 慈甯宮門公同具奏請 皇上節哀保護 聖躬得旨朕忽遭大故五中憤迷非不知恪遵 遺誥守身為重

勉自節哀強進飲食但悲從中來情實痛切莫由自主以至昏迷即欲少餐饘粥亦不能下咽非故卻不御覽奏具見誠惻朕當強

支自愛卿等無須過慮○諸王貝勒貝子公文武大臣官員公同具疏奏請 皇上恪遵 遺誥持服二十七日以上慰 列聖之

倚託下憐臣子之惻忱得旨朕從來一言一事必躬行實踐並無故為文飾邀取虛名今於宮中持服二十七月朕志已定屬旨其

明王等其體朕至意遵行○諭諸王大臣等 皇太后聖躬素弱近者 太皇太后病篤朝夕奉侍 慈顏痠減又因 太皇太后

病篤朝夕奉侍 慈顏痠減又因 太皇太后

上賓悲哀過甚晝夜不離 梓宮飲食不御愈加羸弱力爲勸慰 皇太后不允爾諸王大臣俱係骨肉至戚應公同奏勸諸王妃
郡主等學哀啼 皇太后慟哭幾至仆地眾所共睹今已三日矣諸王大臣等隨奏請 皇太后節哀回宮暫息 皇太后諭曰皇
帝大孝事 皇太后及子三十餘年承歡靡間敬禮兼隆 皇太后聖體違和皇上躬親侍奉三十餘日席坐冷地親奉湯藥
衣不解帶極其誠孝 皇太后賓天內廷一切事務皆皇帝躬親料理所以諸事各得詳善今已經三日皇帝痛哭不止容顏甚
爲瘦減子心殊覺不甯爾等宜勸皇帝節哀最爲緊要不必向子敦請諸王大臣等復再三叩請 皇太后又諭曰諸王大臣所奏
請予回宮以少慰皇帝之心所言良是下午上食畢子卽率眾同散然雖散亦不過歸自己宮內仍率眾妃俱集於別宮自明日爲
始每日三次上食後卽回別宮○諸王大臣等復跪奏 皇太后上賓已經三日 皇上晝夜號慟不止臣等惶懼不知所措伏
乞 皇上暫離喪次於乾清門內不拘何處少爲休息得旨朕遭不幸 皇太后賓天每思 高厚洪恩寸衷如割更何心緒回
宮以圖安逸况 皇太后上賓以來至今飲食不能入口昨 皇太后再三勸進糜粥朕雖勉強少許究不能下咽朕決意仍在
喪次以盡朕心諸王大臣復再三叩請 上不允○禮部以 大行太皇太后常祭禮儀請旨得旨俱照祭 世祖皇帝例○壬申
上在 大行太皇太后梓宮前哀慟不止如前諸王大臣等跪奏明日除夕請 皇上暫行回宮得旨除夕避忌果有此說否諸
王大臣等奏曰元旦乃吉祥之日今 聖躬不離喪次臣等甚爲不安叩請 皇上於除夜回宮元旦在宮中停止哭泣得旨數日
以來朕心甚覺煩迷今據爾等所奏稍有開繫元旦日 皇太后梓宮前令宮人照常上食 慈甯宮前院內諸皇子等所住雖
懷朕當於此暫居一日諸王大臣又再三叩請回宮 上不允○論大學士內務府總管等 皇太后疾大漸時諭朕曰 太宗
文皇帝梓宮安奉已久不可爲我輕動况我心戀汝皇父及汝不忍遽去務於 孝陵近地擇吉安厝則我心無憾矣諄諄降旨朕
何敢違伏思 慈甯宮之東新建宮五間 皇太后在日屢曾向朕稱善乃未及久居遽爾升遐今於 孝陵近地擇吉修建
暫安奉殿卽將此宮拆運於所擇吉處毋致缺損著揀選部院賢能官員往敬謹料理天氣甚寒務期基址堅固工程完備爾等卽
傳諭行○ 上於 大行太皇太后梓宮前行常祭禮哀慟如前內閣翰林院九卿詹事科道等公同具奏以元旦令節叩乞 皇
上節哀並請回宮得旨據奏元旦請朕還宮人主宮殿原多可以因時移蹕若在庶民遭此大故所居止於一室又還避何所回宮
斷不可行卿等念切愛君恐朕哀毀過甚諄再三勉從所請強節哀情諸王大臣等叩首復奏曰 皇上俯鑒下情勉節哀痛臣
等不勝慰藉但 皇上乃萬邦之主元旦乃歲首之辰特求 皇上於除夕回宮元旦後再詣 慈甯宮得旨朕自幼蒙 皇太后
后教育之恩至爲深厚方且仰報難盡何云回宮朕年正富安享之日方長報 皇太后之日從茲已盡爾等諸王大臣再三奏
請朕因於元旦日暫移前院此亦從爾等之請耳諸王大臣又再三叩首奏曰臣等焉敢求 皇上回宮休息但以元旦乃吉辰屆
期 乾清宮所繫甚大得旨朕不幸當此大故設 皇太后之變恰遇二十九三十日將若之何亦惟有聚集此處豈可他避也

因爾等再三奏勸止於元旦暫移少忍哀慟是亦從爾等之所請矣今若瀆奏不止則並此言亦不聽從諸王大臣復叩請不已復傳旨曰朕意已定並無他說爾等如此執滯朕愈不允從著照前諭遵行○召集諸王大臣等將所請以日易月之奏發出諭曰三年之喪朕意在必行將欲手書諭旨而朕體疲憊願爾等諸王大臣共諒朕懷勉從前諭諸王大臣等奏曰聖諭必欲行三年之喪臣等何敢違執但聖躬天地宗廟及萬民生命所關三年斷不可行故自昔賢君皆從易月之制臣等所託命惟皇上若必令仰承即加臣等以罪亦所不辭斷斷不敢遵行得旨將本暫存閣中過初一日再行啟奏○甲戌上在大行太皇太后梓宮前哀慟不止如前諸王大臣等奏皇太后曰皇上在慈寧宮明日元旦乃天地人協吉之辰乾清宮不宜扇開臣等昨者再三跪奏復具奏陳請皇上未允故臣等復懇祈於皇太后皇上至孝皇太后教諭庶幾勉從皇太后諭曰子敦勸兩次皇帝立意已定矣○是歲朝鮮來貢○人丁戶口二千三百四萬九千三百四十一田地山蕩畦地五百九十萬四千一百八十四頃八十四畝有奇徵銀二千七百二十六萬二千三百七十五兩有奇米豆麥六百九十萬一千四百二十二石六斗有奇草二百五萬七千九百六十四束茶十五萬九千三百一十五引行鹽四百三十一萬八千五百六十九引徵課銀二百七十三萬九千六百一十二兩有奇鑄錢二萬八千九百九十三萬六千七百有奇

康熙東華錄四十一

康熙二十七年戊辰春正月乙亥朔諸王大臣等以元旦令節奏請皇上節哀回宮不允羣臣復敦請再四上於是暫住慈寧宮前院幕次○丙子國子監奏太學生劉枝桂等五百餘人呈請皇上節哀循古服制以日易月章下內閣○戊寅上居大行太皇太后喪次哀慟不止如前內閣以諸王大臣及士民等奏請以日易月之奏一併進呈公同奏曰皇上欲行三年之喪臣等再四思之實有難行之處請仍遵歷代定制上曰朕凡事一本於誠行三年之喪朕意甚切非飾虛名仍宜遵照前旨行諸王大臣等復再三懇請上曰三年之喪朕意以為可行故有前諭諸王大臣及百司士庶皆為阻止屢行陳奏此際朕心甚煩俟再思之○己卯王以下文武各官復奏請以日易月諭曰昨裕王恭王亦勸朕從王大臣士民之請朕不得已勉如所請○辛巳諭禮部大行太皇太后聖德母儀昭示萬國昔奉我皇祖太宗文皇帝贊襄內政誼育我皇考世祖章皇帝願復劬勞受無疆休大一統業暨朕踐阼方在沖齡仰荷我聖祖母訓誨殷勤以至成立屢疊依戀三十餘年方期享遐齡茂膺繁祉詎意適遭違豫奄忽上賓朕哀疚之深五中摧絕昊天罔極報德實難緬維厚澤深仁信足炳傳簡冊非薦隆號莫展哀誠宜恪遵彝憲恭上尊諡垂示無窮以慰朕尊親之意著內閣翰林院詹事府會同擬奏其應行典禮禮部詳議以聞於是內閣等衙門即恭擬尊諡二道進呈奉旨應上太皇太后尊諡曰孝莊仁宣誠憲恭懿昭天啟聖文皇后諭太皇太后升遐未久祭文內遽改稱尊諡朕心深為不忍應俟梓宮奉安昌瑞山後始稱尊諡以祭○癸未皇于允禪生○乙酉奉移大行太皇太后梓宮安設

於朝陽門外殯宮發引時

上手攀

梓宮稽顙痛哭迨

梓宮啟行後

上於

梓宮前步行沿途哭不停聲

梓宮更昇校時

必跪於道左哀慟不已至

梓宮奉安之後號泣良久致奠行禮諸王大臣等奏曰

梓宮已經奉安請

皇上還宮

上曰朕於

太皇太后無由復侍此乃慎終之時憔悴困憊皆所不恤此刻殊覺委頓胸臆煩熱欲於此尋一小室暫居之視體中如何尚未

知明日能還宮否爾諸臣愛朕誠惻朕知之矣○丁亥行初次致祭禮○戊子行釋祭禮諸王大臣固請

皇上還宮

上曰朕連

日居一小室意欲久駐於此爾等既再三奏請今仍暫回朕自幼讀書稍知孝道豈忍遽圖便安茲雖暫回亦不入宮內姑設幕席

地而處少遲一二日當復來此是日

上遂幕居乾清門外之左

諸王大臣及外藩王台吉等請

上還宮不允九卿詹事科道等

亦具奏請還宮調攝諭朕遣

太皇太后崩逝欲持服二十七月立志甚堅諸王大臣及百官士民再三陳奏情詞懇切不得已

從所請心歎仄因幕居乾清門外以盡哀誠今仍又請還宮不過以朕躬爲念朕身爲天子豈不自愛但人孰無祖父母父母爲

子孫皆當盡孝何分貴賤朕孝治天下思以表率臣民若致異日稍畱遺憾恐非諸臣愛君之意諸王大臣激切奏懇已有諭旨不

允卿等其仰體朕心勿復言○先是諸王大臣及士民等奏請以日易月之奏俱未批答至是得旨朕以薄祐幼失

怙恃幸依

聖祖母膝下如見

皇考妣音容今遭遇棄痛念

慈恩悲哀並集欲持服二十七月仰答

聖祖母鞠育深仁兼報

皇考妣劬

勞大德諸王大臣及各官等援引歷代成例堅請再三並謂

郊廟祀典不宜久輟升祔大禮及時舉行且士民伏闕披瀝眾情謂

國恤淹久有妨民業朕反復思維不得已以禮抑情勉從所請該部知道○甲午諸王大臣等奏明日行大祭禮釋服乞

皇上照

定例還宮乾清門外所設幕請今日拆收之不允諸王大臣固請

上曰爾等奏請懇摯朕於二十二日釋祭畢還宮是日亦欲遣

外藩王等歸國乾清門外所設之幕至期拆收○乙未

上詣

大行太皇太后梓宮前行大祭禮釋服傳諭內大臣曰科爾沁王

貝勒貝子公台吉等馳至守服應加賞賚命出

太皇太后宮內白金綵段分賜之其先因出痘令回部落者亦令一體霽恩諭曰

爾等皆

太皇太后姻戚齊至喪次克終其事殊爲可憫因以

太皇太后所遺之物頒賜爾等眾皆感泣又諭爾等不必向朕謝

恩可令詣

太皇太后梓宮前謝恩行禮是日

上仍居殯宮之側○丙申

上釋祭

大行太皇太后舉哀行禮畢回宮居乾清

宮門內偏殿諭裕親王白

太皇太后違豫以來與朕同處殊爲勞苦可著

皇長子及領侍衛內大臣等送王歸第○丁酉

上

御乾清門衣青色布衣聽政江南道御史郭琇奏參靳輔治河無功聽幕賓陳瑛阻撓下河開濬宜加懲處又戶部尚書王日藻等

議靳輔奏請屯田一事有累於民請行停止至高家堰之外再築一堤應如靳輔所請

上曰河道必親歷其地然後可議其事爾

九卿等俱未親歷徒然懸揣安有定論隨令郭琇跪近

御前願九卿等曰朕南巡時往勘河道高家堰南北及溝口以南高郵等

處朕俱沿隄步行親加詳覽河上情形頗深悉之今欲築重隄使水由溝口入海若果有裨益則當日何以不早築耶高郵等七州

縣百姓苦累異常此朕目擊而傷心者今於隄外又築一隄是重困小民矣至於屯田有利於廷臣而害民實甚陳瑛本一介小人

通國盡知屯田之說江南人莫不嗟怨爾等甯不聞耶兵部梁清標奏曰屯田實有害於百姓斷不宜行 上以郭琇參本令九卿一併會同察議具奏○禮部奏本年二月初九日屆會試場期茲遇 大行太皇太后賓天典禮繁重應展期一月於三月初九日舉行會試 上曰會試士子貧寒者多展期一月不無苦累著展期十日○江西巡撫王鵬廣東巡撫朱宏祚陸辭諭巡撫為地方

大吏以操守為要大法則小康百姓俱蒙福矣王鵬奏曰臣向在四川時不取民間粒米束草惟帶一二家僮往家中取盤費不敢有私 上曰身為大臣尋常日用豈能一無所費若必分毫取給於家勢亦有所不能但操守廉潔念念不忘愛百姓起見便是良吏

督撫中如兩于成龍及范承勳誠良吏也為督撫者在朕前皆能言之及至地方與所言之往往不符人貴始終如一朕特簡爾等當砥礪清操毋負朕擢用之意朕事事以百姓為念爾等到地方一切利害有關百姓者不妨事事奏聞王鵬奏曰臣等嚴禁屬吏科

派及詞訟賄賂諸弊 上曰為大吏者亦須安靜則地方之福凡貪汙屬吏先當訓誡之若始終不悛再行參劾可也大學士等奏曰臣等瞻仰 天表迥異往時伏祈珍攝 上曰九卿所奏河工關繫重大兩巡撫陸辭赴任亦屬緊要朕所以力疾御門

爾等所奏朕自知之是日 上回乾清門內偏殿諸王大臣等以喪事既畢請 皇上移駐瀛臺稍遣 聖懷 上曰凡事皆有不

易之理朕因定例不得已釋服今於宮中朕自盡孝亦理所當然並非好異沽名爾等勿復奏○戊戌諭大學士等自 太皇太后

遽豫 皇太后盡孝侍奉甚為勞悴 太皇太后賓天復哀痛太過 慈顏清減昨者朕詣 皇太后宮問安見癯瘦更甚積勞成

疾服藥調理 皇太后關繫甚大朕心深為憂慮明日 太皇太后一月之祭爾等可奏請不必前往於是大學士等詣 皇太后

宮門遵旨奏請 皇太后諭曰予之服藥專為明日祭也今亦稍安明日決意前往大臣等復行奏請 皇太后終不允○已亥

上詣 大行太皇太后梓宮前行一月致祭禮○癸卯以阿喇彌為內閣學士由內閣侍讀學士遷○河南巡撫章欽文以庸劣革職

二月戊申漕運總督慕天顏奏前臣等會勘河工河臣靳輔議築高家堰重隄臣等議修高家堰舊隄後尚書佛倫等奉命再行會

勘皆從靳輔臆說臣不敢附會且河臣倡舉屯田一事屯官丈占民田百姓苦累臣據實奏聞得旨本內事情著九卿詹事科道察

議具奏○已酉以柯永昇為湖北巡撫由安徽布政使遷○琉球國中山王尚貞遣使入貢請以子弟梁成楫等三人入監讀書允之○王

子先是御史郭琇奏參大學士明珠等疏題為特參大臣背公結黨納賄營私仰請 乾斷立賜嚴譴以清政本事臣聞自古帝王